

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Supremum Pietatis Officium, quod Viro Nobilissimo,
Amplissimo Atque Excellentissimo Dn. Samuli Schallesio,
Eloqventiae In Inclyta Universitate Patria Argentoratensi
Professori, Et Gymnasiarchae ...**

Schalles, Samuel

Argentorati, 1676

"Supremum pietatis officium [...] Dn. Samveli Schallesio [...]"

[urn:nbn:de:bsz:31-135441](https://nbn-resolving.org/urn:nbn:de:bsz:31-135441)

Supremum Pietatis Officium,
quod VIRO
NOBILISSIMO, AMPLISSIMO
ATQVE EXCELLENTISSIMO

DN. SAMVELI SCHALLESIO,
ELOQVENTIÆ IN INCLYTA UNIVERSITATE
PATRIA ARGENTORATENSI PROFESSORI,
ET GYMNASIARCHÆ CELEBERRIMO, &c.

Patrono suo, de se præclare merito,
Die funeris, qui erat IV. Nonarum Octobrium
Anni M. DC. LXXVI.

ut esset observantiæ suæ ad posteros monumentum,
grati persolvere studuerunt,

GYMNASII ARGENTORATENSIS COLLEGAE.



Ulpita quod planctu reboant, quod triste Cathedras
Nescio quid resonare docent, totique Lyceo
Quod luctus, quod pallor inest, quod nenia longe
Auditur, puerique rigant quod fletibus ora;
Si quisquam miratus avet cognoscere causam,
Hanc discat, dignum & fletu, dignumque doleri
Protinus ut castum cognoveris, amplius Idem
Desinet has, molles veluti, damnare querelas.
Heu! nostræ Rex ante Scholæ SCHALLESII, ante
Eloquii, Latineque decus, Lux, gloria linguae
Obtineuit, suadæque potenti desuit uti!
Desuit & nostros Ille idem invisere coetus,
Discentumque choris, cathedrisque præesse Docentum, &
Nunc illis animos, his adspirare favorem!
Nam, ceu vere novo si quando rosaria flores
Protrudere, solent Zephyri spirantis ab aurâ
Latius hi totis agris diffundere odorem:
Sic nostræ areolæ, quoties Ille adfuit author
Duxque bonus studiis, quotiens interfuit horto,
De tenero gratum sparserunt flore vaporem
Latius, & toto penitus nituere decore.
Non doleant igitur, non pulpita nostra querantur?
Supremi non grata Virum venerentur honoris
Officio, & luctus eadem testentur, inanes
Quamlibet & vanos? quibus ut non fata morari
Posse datum; pietatis erunt tamen utique testes,
Et sparsos cineres, & molliter ossa fovebunt.
Ergo vale, Rex ante Scholæ sic denique nostræ,
SCHALLESII, placideque cuba, dum buccina cœlo
Personet, & nitido ad vitam revoceris honore!

Argentorati, Literis Spoorianis.